

Møtereferat

Dato: 09.03.2016

Emne:	Referat frå møte om Stordpakken	
Til stades:	Harry Herstad (Stord kommune), Magnus Mjør (Stord kommune), Ove Kvalnes (Stord kommune), Olav Finne (Statens vegvesen), Kristian Bauge (Statens vegvesen), Lars Tore Martinsen (Statens vegvesen), Eva Birgitte Teige (Statens vegvesen), Håkon Rasmussen (Hordaland fylkeskommune), Thorbjørn Aarethun (Hordaland fylkeskommune), John Martin Jacobsen (Hordaland fylkeskommune)	
Forfall:		Sak: 2016/1947-2
Møtetid:	23. februar 2016	Møtestad: Fylkeshuset

Møteleiar: Håkon Rasmussen
Referent: John Martin Jacobsen

Bakgrunn for møtet var at Stord kommune legg opp til å fremja ei ny prinsippsak om delvis bompengefinansiering av Stordpakken. Krav til standard og fart gjer at kostnadene for ny E39 vil vera for store til at det prosjektet skal kunna vera eit prosjekt i Stordpakken.

Stord kommune og Statens vegvesen har arbeida fram eit forslag til nytt prinsippvedtak der det vert lagt opp til at E39 vert finansiert som ein del av ferjefri E39, og at dei lokale tiltaka på fylkesvegnettet i kommunen vert samla i bompengepakken Stordpakken.

Kristian Bauge frå Statens vegvesen presenterte status i arbeidet med Stordpakken. Det er fleire grensesnitt mot ny E 39 som må avklarast i det vidare arbeidet.

Eva Birgitte Teige frå Statens vegvesen presenterte status for arbeidet med miljøgateplanen i Leirvik som er eit prioritert prosjekt i Stordpakken. Løysingar i miljøgateplanen kjem i konflikt med godkjent plan for meieritomta. Planen for meieritomta er no under realisering. Ulike løysingar for å løyse konflikten blei diskutert, men ikkje konkludert.

På møtet var det semje om å arbeide vidare med ein Stordpakke. HFK ønskjer i større grad enn fram til no å vere med i arbeidet med utarbeide pakken. Ei fylkeskommunal løyving til Stordpakken må avklarast nærmare.

